



ՄԱՍԼՈ ՀԱՂՈՐԴԱԳՐՈՒԹՅՈՒՆ

12 դեկտեմբերի, 2017թ.

Երևան

Տեղի ունեցավ հակակոռուպցիոն մրցանակաբաշխությունը

Այսօր՝ դեկտեմբերի 9-ին, տեղի ունեցավ միջազգային հակակոռուպցիոն օրվան նվիրված ամենամյա հակակոռուպցիոն մրցանակաբաշխությունը: Թափանցիկության և բարեխղճության պաշտպաններն ու քաղաքացիները, ովքեր պայքարել են կոռուպցիայի դեմ, մրցանակներ ու պարգևներ ստացան միջոցառման ժամանակ:

Մրցանակաբաշխությունը կազմակերպվել է Հայաստանի ՔՀԿ-ների հակակոռուպցիոն կոալիցիայի նախաձեռնությամբ՝ Եվրամիության կողմից ֆինանսավորվող «Կառուցողական երկխոսության հանձնառություն» ծրագրի շրջանակում, որի նպատակը քաղհասարակության կազմակերպությունների (ՔՀԿ) ձայնը լսելի և ազդեցիկ դարձնելն է կառավարության որոշումների վրա:

Մրցանակաբաշխությանը ներկա էին ՀՀ գլխավոր դատախազ Արթուր Դավթյանը, արդարադատության նախարար Դավիթ Հարությունյանը, ֆինանսների նախարար Վարդան Արամյանը, Հայաստանում ԵՄ պատվիրակության համագործակցության բաժնի ղեկավար Հոա-Բին Աջեմյանը, Հայաստանում Չեխիայի դեսպան Պետր Միկիսկան, պետական և քաղհասարակության կազմակերպությունների ներկայացուցիչներ:

Իրավաբանների հայկական ասոցիացիայի և Հայաստանի ՔՀԿ-ների հակակոռուպցիոն կոալիցիայի քարտուղարության համակարգող Կարեն Զադոյանն իր ողջույնի խոսքում նշեց, որ կառավարության և քաղհասարակության կառույցների միջև համագործակցության արդյունքում արդեն իսկ կան լուրջ նվաճումներ՝ հակակոռուպցիոն արդյունավետ պայքարի երկու հենասյունների կառուցման՝ կոռուպցիայի կանխարգելման և հակակոռուպցիոն կրթության ոլորտում. «Մենք լիահույս ենք, որ կառուցողական երկխոսության արդյունքում մենք նվաճումներ կունենանք նաև երրորդ՝ կոռուպցիայի պատժելիության անխուսափելիության հարցում»:

Հոա-Բին Աջեմյանն իր խոսքում նշեց, որ կոռուպցիայի դեմ պայքարը Եվրամիության առաջնահերթությունների թվում է. «Մենք գնահատում ենք այս առումով Հայաստանի առաջընթացը և քաղձառայության ոլորտում բավականին հավակնոտ բարեփոխումները՝ ԵՄ չափանիշներին համապատասխան: Ես ցանկանում եմ հաստատել, որ ԵՄ-ն կանգնած է Հայաստանի քաղաքացիների կողքին՝ հանուն ավելի լավ ապագայի»:

Արդարադատության նախարար Դավիթ Հարությունյանը «Տարվա երիտասարդներ» մրցանակը հանձնեց «Նետոյի առասպելը» համակարգչային խաղի ստեղծագործական թիմին: Համակարգչային այս խաղը Նետոյի մոլորակի ու դրա վրա կոռուպցիայի թողած ազդեցության մասին է:



Ծրագիրը ֆինանսավորվում է Եվրոպական միության կողմից:

Իրավաբանների հայկական ասոցիացիա

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոսր-հատն, ռեսուրսներն ու ուղիները: 50 տարվա քննարկման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:

Գլխավոր դատախազ Արթուր Դավթյանը «Տարվա ԶԼՄ» մրցանակը հանձնեց «Ազատություն» ռադիոկայանին՝ ընտրական գործընթացներն ակտիվ լուսաբանելու և կոռուպցիոն ռիսկերը որոշակիորեն զսպելու և բացահայտելու համար:

Հայաստանում ԵՄ ներկայացուցիչը «Տարվա ՔՀԿ» մրցանակը հանձնեց Իմփեքթ Հաբ Երևանին՝ «(Հակա)կոռուպցիայի արվեստ» ծրագրի իրականացման համար: Դրա շրջանակում արվեստագետներն իրենց արվեստի միջոցով ցույց են տվել հայ հասարակության վրա կոռուպցիայի բարդ հետևանքների մասին:

Հայաստանում Չեխիայի արտակարգ և լիազոր դեսպան Պետր Միկիսկան հանձնեց «Տարվա բիզնես» մրցանակը Դիլիջանում գործող Caffeine Brew Lab սրճարանին: Ամիսներ առաջ հարկային տեսուչները սուգանել են սրճարանին անհիմն: Սակայն սրճարանի հիմնադիր աղջիկները դիմել են դատարան և հաջողության հասել:

Կարեն Զադոյանը հակակոռուպցիոն պայքարի ոլորտում արդյունավետ համագործակցության համար շնորհակալագրեր հանձնեց արդարադատության նախարար Դավիթ Հարությունյանին, ֆինանսների նախարար Վարդան Արամյանին, կառավարության աշխատակազմի ղեկավար Վահե Ստեփանյանին և Հայաստանում Չեխիայի դեսպան Պետր Միկիսկային:

«Կառուցողական երկխոսության հանձնառություն» ծրագիրն իրականացվում է ԵՄ ֆինանսավորմամբ՝ «Իրավաբանների հայկական ասոցիացիա» ՀԿ-ի կողմից գործընկերներ «Ագորա Մենթոր Յուրոփ» ՀԿ-ի (Չեխիա), «Ժողովրդավարական կրթության հայկական կենտրոն-ՄԻՎԻՏԱՍ» ՀԿ-ի, «Մարդկային զարգացման միջազգային կենտրոն» ՀԿ-ի, «ՓՄՁ համագործակցության ասոցիացիա» ՀԿ-ի և «Հայաստանի համայնքների միություն» իրավաբանական անձանց միության հետ համագործակցությամբ:

Ծրագրի նպատակն է մեծացնել քաղաքացիական հասարակության կազմակերպությունների (ՔՀԿ) և դրանց կոալիցիաների/ցանցերի ազդեցությունը հանրային քաղաքականության մշակման գործընթացի վրա: Սա հնարավորություն կտա կազմակերպություններին (ովքեր արդեն իսկ աշխատում են թիրախային կոալիցիաներում) ձեռք բերել նոր ռեսուրսներ, քաղաքականության փորձագետներին միավորել և խրախուսել իրենց մասնակցությունը տեղական և ազգային քաղաքականությունների օրակարգի ձևավորմանը, հատկորոշել ընդհանուր խնդիրներն ու առաջնահերթությունները և դիմել կառավարությանը՝ կառուցողական և ռազմավարական քաղաքականության վերաբերյալ նախաձեռնություններով:

Ծրագրի շրջանակներում ենթադրամաշնորհներ կտրամադրվեն ՔՀԿ-ներին և ՔՀԿ-ների կոալիցիաներին, որոնք կուղղվեն հանրային քաղաքականությունների զարգացմանն ու կունենան շոշափելի արդյունքներ 9 թիրախային ոլորտում, որոնցից են արդարադատությունը, կրթությունը և բիզնեսը:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունն իրազեկ է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Աստղիկ Կարապետյան
Հանրային կապերի համակարգող
Հեռ. 540199;
Ֆաքս՝ 580299;
Էլ. Հասցե՝ info@armla.am
Կայք՝ <http://www.armla.am>, <http://ccd.armla.am>

